



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e-mail: info@voda.ba

Broj: **UP-1/21-3-40-543-4/23**
Datum: **23.02.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «MADI» d.o.o. Tešanj za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa u Poslovnoj zoni «Vila», općina Tešanj, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «MADI» d.o.o. Tešanj daje se vodna dozvola za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa u Poslovnoj zoni «Vila» izgrađenog na zemljištu označenom kao k.č. 14/10, 40/1, 40/6, 40/7, 40/8, 40/9, 40/10, 40/11 i 40/12 K.O. Novo Selo, općina Tešanj.
2. Ova vodna dozvola se ne odnosi na proizvodni objekat - klaonica i prerada pilećeg mesa izgrađen na zemljištu označenom kao k.č. 45 K.O. Tešanj II, općina Tešanj (stari pogon).
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji kompleksa objekata i uz sljedeće uslove:
 - 3.1. Da se upotreba i korištenje predmetnog proizvodno poslovnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik predmetnog kompleksa, za vrijeme trajanja ove dozvole, obezbjeđuje da se tehnološke otpadne vode nastale u procesu klanja peradi i prerade mesa (pranjem opreme, uređaja i alata, te pranjem podova i radnih površina) zajedno sa onečišćenim vodama sa radnih površina kompleksa nesmetano sakupljaju i odvođe do objekta predviđenog za tretman otpadnih voda (postrojenje za tretman tehnoloških otpadnih voda), a zatim ovako tretirane vode ispuštaju, preko okna za monitoring, u rijeku Tešanjku.
 - 3.3. Da korisnik predmetnog kompleksa objekata, za vrijeme trajanja ove dozvole, obezbijedi da se sistem za prikupljanje i prečišćavanje tehnoloških i ostalih otpadnih voda, instalirana oprema i objekti na lokalitetu proizvodno poslovnog kompleksa održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.4. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Objekte čija je svrha odvodnja i prečišćavanje tehnoloških otpadnih voda (postrojenje za tretman otpadnih voda, instalirana oprema, kompletna kanalizaciona mreža...) treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.6. Čišćenje i održavanje postrojenja za tretman tehnoloških otpadnih voda te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz postrojenja za tretman otpadnih voda kao i preuzimanje drugog otpada.
 - 3.7. Sadržaj (mulj) iz postrojenja za tretman otpadnih voda se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.8. Osigurati da radom postrojenja za tretman otpadnih voda upravljaju obučeni radnici sa obezbijeđenim stalnim nadzorom rada postrojenja i instalirane opreme te da se sklopi ugovor o održavanju i kontroli funkcionalnosti postrojenja sa firmom ovlaštenom za ovu vrstu radova.

- 3.9. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
 - 3.10. Da se prakticira suho čišćenje podova i opreme prije pranja vodom, kako bi se uklonile organske nečistoće sa radnih površina, trošilo manje vode za pranje i smanjilo zagađenje.
 - 3.11. Da se krv nastala u pogonu klaonice i objektima prerade mesa skladišti u posebnom spremniku do konačnog zbrinjavanja u skladu sa važećom dozvolom o upravljanju otpadom i njegovom zbrinjavanju izdatom od strane nadležnog ministarstva Ze-do kantona a prema uputama i u saradnji sa veterinarskom inspekcijom.
 - 3.12. Da se animalni otpad skladišti u namjenskim i označenim kontejnerima na propisan način do konačnog zbrinjavanja a u skladu sa važećom dozvolom o upravljanju otpadom i njegovom zbrinjavanju izdatom od strane nadležnog ministarstva Ze-do kantona a prema uputama i u saradnji sa veterinarskom inspekcijom.
 - 3.13. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvršaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.14. U slučaju kvara postrojenja za tretman tehnoloških otpadnih voda potrebno je djelovati po hitnoj proceduri i uputama datim od proizvođača opreme.
 - 3.15. Remont postrojenja za tretman tehnoloških otpadnih voda provoditi od strane proizvođača opreme ili njegovog ovlaštenog predstavnika, u cilju preveniranja incidentnih zagađenja.
 - 3.16. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnog kompleksa objekata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne pristojbe.
 11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «MADI» d.o.o. Tešanj, dana 01.12.2023. godine podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa u Poslovnoj zoni «Vila» izgrađenog na zemljištu označenom kao k.č. 14/10, 40/1, 40/6, 40/7, 40/8, 40/9, 40/10, 40/11 i 40/12 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-23-003257 izdatog dana 13.11.2023. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 28.06.2017. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-4216-2/17 izdatog dana 01.08.2017. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-130-7/19 izdatog dana 06.09.2019. godine od strane «Agencije za vodno područje rijeke Save» Sarajevo,
- Zaključak o ispravljanju greške u rješenju broj: UP-I/25-3-40-130-9/19 izdat dana 21.09.2022. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli za ispuštanje sanitarno-fekalnih voda sa lokaliteta proizvodno poslovnog kompleksa broj: 05-21-10997-1/22 izdatog dana 14.03.2022. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o upotrebi građevine broj: 12-23-04396/15 izdatog dana 29.06.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za: dograđeni dio objekta za garderobe, kancelarijski prostor, kotlovnica, pakerač mesa sa komorama za hlađenje, visokoprizemna hala sa prostorima za uposlene tzv. prljavi dio klaonice – k.č. broj: 40/9 i 40/10 K.O. Novo Selo),
- Kopija Rješenja o upotrebi građevine broj: 12-23-05540-2/15 izdatog dana 08.06.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za objekat skladišta hrane sa garažom – k.č. broj: 40/12 K.O. Novo Selo),
- Kopija Rješenja o upotrebi građevine broj: 12-23-03737/14 izdatog dana 23.07.2014. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za uređaj za tretman otpadnih voda izgrađen na parceli označenoj kao k.č. broj: 40/10 K.O. Novo Selo),
- Kopija Rješenja o upotrebi građevine broj: 12-23-03737/14 izdatog dana 23.07.2014. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za II fazu izgradnje trase cjevovoda od starog pogona klaonice do uređaja za tretman otpadnih voda),
- Kopija Rješenja o upotrebi građevine broj: 12-23-07310/14 izdatog dana 13.01.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za objekat za proizvodnju, preradu i skladištenje pilećeg mesa – k.č. broj: 40/7 i 40/8 K.O. Novo Selo),
- Kopija Rješenja o upotrebi izgrađenog pomoćnog (skladišnog) objekta broj: 06-23-4-2982/18 izdatog dana 22.11.2018. godine od strane Službe za katastar, urbanizam i imovinsko-pravne poslove Općina Tešanj,
- Kopija Rješenja o upotrebi izgrađenog pomoćnog (skladišnog) objekta broj: 06-23-4-236/17 izdatog dana 17.03.2017. godine od strane Službe za katastar, urbanizam i imovinsko-pravne poslove Općina Tešanj,
- Kopija Rješenja o upotrebi građevine broj: 12-19-5286/20 izdatog dana 22.09.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za dogradnju postojećeg uređaja za tretman otpadnih voda – k.č. broj: 40/10 i 40/11 K.O. Novo Selo),
- Kopija Rješenja o odobrenju za upotrebu građevine broj: 12-19-3677/20 izdatog dana 07.08.2020. godine od strane Ministarstva za prostorno uređenje, promet i komunikacije i zaštitu

okoline Zeničko-dobojskog kantona (rješenje izdato za dogradnju-proširenje klaonice – k.č. broj: 40/09 i 40/10 K.O. Novo Selo),

- Kopija Rješenja o odobrenju za upotrebu građevine broj: 12-19-9785/20 izdatog dana 10.03.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za dogradnju kompleksa sa objektom hladnjače sa pomoćnim sadržajima – k.č. broj: 40/01 K.O. Novo Selo),
- Kopija Rješenja o okolinskoj dozvoli broj: 12-23-06525/19 izdatog dana 17.01.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o dozvoli za upravljanje otpadom i njegovo zbrinjavanje broj: 12-19-06097/22 izdatog dana 16.06.2023. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora o pružanju nadzora i tehničke podrške na uređaju za prečišćavanje tehnoloških otpadnih voda sklopljen dana 01.11.2014. godine između «ASIO» d.o.o. Darda i «MADI» d.o.o. Tešanj,
- Kopija Izvještaja o ispitivanju karakteristika otpadnih voda (broj: 39/23, decembar 2023. godine) urađen od strane JP «RAD» d.o.o. Ispitna laboratorija Tešanj,
- Kopija Izvještaja o rezultatima ispitivanja tereta zagađenja otpadnih voda izraženog preko EBS-a urađen od strane JP «RAD» d.o.o. Ispitna laboratorija, novembar 2022. godine,
- Projekat izvedenog stanja vanjskih instalacija vodovoda i kanalizacije proizvodno-poslovnog kompleksa «MADI» i dopuna projekta tehničkim rješenjima potrebnim za pribavljanje vodne dozvole urađen od strane «ES HYDROTECNICS» d.o.o. Sarajevo, april 2019. godine,
- Kopija Ugovora o poslovno-tehničkoj saradnji o zbrinjavanju otpada (nusprodukata materijala kategorije 2 – mulj sa uređaja za prečišćavanje otpadnih tehnoloških voda, valionički ostatak sa inkubatorske stanice, uginuća) te nusproizvoda materijala kategorije 3 (iz pogona klaonice i prerade), zaključenog dana 18.02.2021. godine između «MADI» d.o.o. Tešanj i «GOLD-MG» d.o.o. Donji Žabar (prilog: otpremnice o preuzimanju otpada za januar i februar 2024. godine),
- Kopija Ugovora o poslovnoj saradnji – uvoz/izvoz nusproizvoda životinjskog porijekla, materijala kategorije 3 dobivenih od mesa peradi iz klaonice peradi sa preradom mesa zaključen dana 27.08.2021. godine između «MADI» d.o.o. Tešanj i Agroindustrijski kombinat «Bačka Topola» d.o.o. Bačka Topola, Srbija (prilog: računi o preuzimanju otpada za februar 2024. godine),
- Operativni plan u slučaju incidentnih zagađenja urađen od strane «TQM» d.o.o. Lukavac, decembar 2022. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa objekata i tom prilikom je sačinjen Zapisnik o uviđaju broj: UP-1/21-3-40-543-3/23 od 01.02.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Proizvodno poslovni kompleks objekata namjene: Klaonica i prerada pilećeg mesa sa prodajnim centrom i ostalim pratećim objektima izgrađen je na lokaciji bivše tvornice «SLOGA» u Poslovnoj zoni «Vila», općina Tešanj uz lokalnu cestu Tešanj-Medakovo-Tešanjka. U sklopu kompleksa su izgrađeni sljedeći objekti: objekat uprave i proizvodnog pogona; objekat klaonice sa rasjekaonom; objekat prerade sa hladnjačom; objekat hladnjače sa pomoćnim sadržajima; skladište sa garažom/radionicom; natkrivena autopraonica; skladište, kotlovnica na pelet i drva, plinska stanica, rezervoar vode (2x400m³), postrojenje za tretman otpadnih voda kapaciteta 450-770m³/dan, portirnica. Prosječan kapacitet prerade je oko 7.000 jedinki/sat odnosno kapacitet proizvodnje je oko 20-25 tona gotovih proizvoda/dan. Ukupno je uposleno oko 590 radnika.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-1/25-3-40-130-7/19 od 06.09.2019. godine, sa određenim uslovima.
- U toku uviđaja utvrđeno je da su uslovi dati u naprijed navedenom rješenju ispunjeni, odnosno u potpunosti realizovani radovi predviđeni Dinamičkim planom aktivnosti i mjera za smanjenje

emisija u vodotok potpisan i ovjeren dana 07.08.2019. godine od strane direktora «MADI» d.o.o. Tešanj.

- Snabdijevanje vodom za sanitarne i tehnološke potrebe kompleksa je obezbijeđeno priključkom na gradski vodovodni sistem kojim upravlja JP «RAD» d.d. Tešanj.
- Sanitarno fekalne vode iz toaleta i restorana namijenjenih za potrebe uposlenih i gostiju se prikupljaju zasebnim kanalizacionim sistemom a potom zajedno sa tehnološkim otpadnim vodama odvođe na tretman u postrojenje za prečišćavanje otpadnih voda.
- Tehnološke otpadne vode nastale u pogonu klaonice (u procesu klanja pilića, prilikom iznutravanja i čišćenja prije rashlađivanja, pranjem opreme, alata, radnih površina, podova) se zajedno sa otpadnim vodama nastalim u pogonu za preradu mesa (pranjem mašina, alata i opreme za preradu pilećeg mesa, pranjem radnih ploha i podova prostorija) se prikupljaju sistemom slivnika, slivnih rešetki, odvodnih kanala i kanalizacione mreže te zajedno sa otpadnim vodama nastalim pranjem vozila u natkrivenoj praonici i otpadnim vodama iz dezobarijera odvođe na tretman u postrojenje za prečišćavanje otpadnih voda koji je koncipiran i projektovan od strane «ASIO group» Brno-Slatina.
- Obzirom na povećanje kapaciteta proizvodnje odnosno povećanje količina otpadnih voda nastalih u postupku klanja pilića i prerade mesa (prosječna dnevna količina 450m³/dan) a u cilju postizanja kvaliteta prečišćene vode prije ispusta u rijeku Tešanjku dograđeno je ranije izgrađeno postrojenje za tretman otpadnih voda nastalih na predmetnom lokalitetu. Od strane nadležnog ministarstva Ze-do kantona 22.09.2020. godine izdato je Rješenje broj: 12-19-5286/20 o upotrebi dograđenog postrojenja za tretman otpadnih voda kapaciteta 450-750m³/dan. Izvedena je nadogradnja sistema sa dodatnim mehaničkim tretmanom, novim spremnikom za egalizaciju kapaciteta 350m³ dok je postojeći fizikalno hemijski tretman kapaciteta 10m³ zamijenjen novim kapaciteta 30m³. Djelmično prečišćena voda dalje se odvodi na biološki tretman (baziran na principu biološke razgradnje organskih tvari pomoću aktivnog mulja) na postojećoj biološkoj liniji kapaciteta 200m³ i novoizgrađenoj biološkoj liniji kapaciteta 250m³. Postojeći sistem za dehidraciju mulja zamijenjen je jedinicom većeg kapaciteta. Prečišćena voda se, nakon mjerača protoka, preko okna za monitoring ispušta u rijeku Tešanjku. Mulj iz spremnika se odlaže u nepropusne kontejnere do daljeg preuzimanja od strane firme «GOLD-MG» d.o.o. Donji Žabar.
- Na postrojenje mogu biti priključene tehnološke otpadne vode iz pogona klaonice i prerade pilećeg mesa izgrađene na zemljištu označenom kao k.č. 45 K.O. Tešanj II (stari pogon klaonice na tzv. lokaciji «A»), ali ovaj pogon klaonice nije predmetom izdavanja ove vodne dozvole.
- Nusproizvodi koji nastaju u proizvodnom postupku klanja pilića i prerade pilećeg mesa sakupljaju se u namjenskim kontejnerima u posebnoj prostoriji za prihvati i skladištenje nusproizvoda-komora koja je izgrađena tako da je omogućeno lako održavanje higijene i uslova koje zahtjeva postupanje sa animalnim otpadom.
- Dio prikupljenog animalnog otpada se izvozi u Srbiju u skladu sa ugovorom zaključenim sa Agroindustrijskim kombinatom «Bačka Topola» d.o.o. Bačka Topola a sa firmom «GOLD-MG» d.o.o. Donji Žabar zaključen je ugovor o zbrinjavanju otpada (nusprodukata materijala kategorije 2 – mulj sa uređaja za prečišćavanje otpadnih tehnoloških voda, valionički ostatak sa inkubatorske stanice te nusproizvoda materijala kategorije 3 iz pogona klaonice i prerade).
- Krv nastala u procesu klanja pilića se zasebnim cjevovodom odvodi u spremnik/cisternu za prikupljanje krvi do preuzimanja od strane firme «GOLD-MG» d.o.o. Donji Žabar prema ugovoru.
- Od strane nadležnog Ministarstva za prostorno uređenje, promet i komunikacije i zaštitu okoline Ze-do kantona izdato je dana 16.06.2023. godine Rješenje broj: 12-19-06097/22 o dozvoli za upravljanje otpadom i njegovo zbrinjavanje.
- Oborinske vode sa krova objekata se zasebnom kanalizacionom mrežom prikupljaju i odvođe u kolektor oborinske kanalizacije sa krajnjim ispustom u rijeku Tešanjku.
- Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a urađenom u novembru 2022. godine, ukupan teret zagađenja otpadnih voda izražen kao ekvivalentni broj stanovnika EBS = 594 ES-a.
- Monitoring se vrši redovno osam puta u godini. Na uvid predložen izvještaj o ispitivanju kvaliteta otpadnih voda za decembar 2023. godine (mjerno mjesto-kontrolno okno iza postrojenja za prečišćavanje otpadnih voda) urađen od strane JP «RAD» d.o.o. Tešanj. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti

emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «MADI» d.o.o. Tešanj, ispunio minimum uslova za izdavanje vodne dozvole za ispuštanje ispuštanje tehnoloških i oborinskih onečišćenih otpadnih voda u prirodni recipijent sa lokaliteta proizvodno poslovnog kompleksa u Poslovnoj zoni «Vila», općina Tešanj te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-543-2/23 od 19.01.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- «MADI» d.o.o. Tešanj
Poslovna zona «Vila» br 16, 74260 Tešanj
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava